

永樂大典

卷一萬四千五十
五

永樂大典卷之一萬四千五十五 四震

祭 祭文十三

宋捕芳大金集黃泰之祭梅卿叔文 惟靈慷慨正直得於天資莊靜夷雅爰出流華種學績文優游乎聖賢之域砥節礪行周旋乎規矩之內奉親長著孝友之風飭子弟有義方之誨繁厥德之純備宜享齡之未艾胡六旬而甫及乃一疾而遽死莫能詰造化於小兒殆將任勞逸於大塊某等怡愉骨肉熾結愛情茶醕酒盞日聚時會感佳節之過眼俾音容之何在憐黃花而無色對西風而一醉嗟物是以人非覺肝裂而腸碎飲此恨於終天想英靈之不昧嗚呼尚享 祭商通直文 嗚呼蒼天喪我耆德邦人諸友莫或矜式惟公操履舉世所難末俗波瀾屹立其間雖刀之利人所競馳而公湛然若無以為一經教子人曰不切而公終日食不違咽乃聞義齋于室之西擇師訓徒邦人是依有子八人頭角嶄嶄談經解頤議論不凡天子有詔廣學育才天下之士于于而來公命諸子勉之于處士而懷居焉是成名著鞭爭先不踰數年望聲上庠仕路聯翩公以子貴

永樂大典卷一萬四千五十五

荐膺命人皆曰公陰德之應翁姬相對蘭玉滿前人皆曰公五福之全今其往矣公亦瞑目我輩鍾焉能不慟哭斗酒時公如將見之公如有知其鑿于茲嗚呼尚饗 祭鄭大著文 嗚呼理固有不幸而幸當然而反不然者其顛倒不可曉未有如公之甚也公之所學顏子之不遷怒不貳過也公之所養孟子之至大至剛以直也公之操履大學之所謂正心誠意儒行之所謂特立獨行也以愛親之心愛君以正己之學正人險夷一節始終之心表裏一致此公之所優為而卓卓乎聖賢之域也僕視公為畏友公亦喜僕之無他故相信愛獨深有善必告也聞過必諫也庠序肄業同也作閭校雖同也僕之塵忝偶先公之一年也公之補郡亦相繼以去國也去冬僕將之官握手道別無他屬也惟援故事而信節用而愛人使民以時之語以相勉也僕既汨汨南來且逾半載每得公書寒暄之外則節欲防瘴而已體國愛民而已世俗獎借無一辭及之也嗚呼今之所謂士大夫其有賢於公者耶死於國死於病吾無憾也豈謂一世英俊而死於草木之變耶僕始聞之而未信也意公以直而受謗也中信之而猶疑也意其薄傷而終瘳也既而的且信矣蓋涕泗交下寢食不美者凡不知其幾旦夜也嗚呼公竟殞於是耶此僕所以求其說而不可得不免舉

而歸之不可曉也。僕非為喪友惜也。為天下喪賢士惜也。為朝廷喪直臣
惜也。想夫一時精神摧氣。海內痛心。蓋不獨僕之惜之如此之深且切也。
抑又聞之前輩有為幽明迷之說者。謂冥司主斷。必求夫世之忠亮正直
之人而為之。吾意公之遠往。或者公為是耶。公之母老而慈。弟才而應。婦
弱而淑。子幼而孤。相與求公死之說。而不可得。蓋亦以是求之。僕杖淡海
濱。宦情雲薄。一觴寄酌。形與神馳。公其嗷嗷於此耶。尚享。孫仲宣祭鄒
次魏文。嗚呼。嗟我慙慙。屢屬罪罟。白首龍鍾。投拜南土。交親解散。磨走
狼顧。如避垢污。掉臂而去。病卧空山。一室環堵。爭席滿前。誓夫爾汝之子
英妙。文中之虎。携書銜袖。過余逆旅。議論盡出。楷煙引古。西階東序。九鼎
十鼓。翰墨之場。群獻俱供。引脰一鳴。千鈞射鼠。我老歸耕。十變寒暑。相望
一涯。二江之阻。被襖囊書。獨行踽踽。惠然顧我。漢陰之圃。倒水迎門。喜抃
欲舞。促膝晤言。殺雞炊黍。訣別幾何。恍如再撫。千里計聞。方食失筋。豈其
夢耶。而遽如許。老人無徒。吾孰與。展子有齊室圖書之府。製名松業。義取
韓愈。書未微銘。藥石之補。遺墨爛然。尚秘箱笥。文成欲致。未及于睹。掩卷
驚呼。老疾如雨。子今在墳。寧聞我語。庶幾挂劍。徐君之墓。嗚呼。哀哉。尚享。
葉儀鳳祭飛英子文。嗚呼。飛英命止於斯耶。吾不敢怨。蒼蒼恨冥冥。

永樂大典卷一萬四千五百五

不生子則已。既範子形。又賦子才。奈何子之壽遽止。斯耶子以少平豪邁
之氣。可以貫白日。凌青雲。蓋將翹日起家。夫何一跌秋闈。槐黃有恨。竟以
明月之珠。夜光之璧。暗頓委於風沙。嗚呼。飛英古來才大難為用。志士幽
人莫嘆嗟。子安知其終不售。乃鬱鬱憤悶。一至於斯耶。嗟子之文妙。春
葩。振陽和於筆端。筆端之樹。皆萌芽。嗟子之賦。飛霜展露。莫能過。嗟子之
詩。池塘春草。何以加。雲山之會。萬里圭璧。赤城之巖。萬丈雲霞。惜乎不為
封禪書。不作洛陽賦。奈何樽酒。腸柱爾。腹抱萬卷。而為仄耶。嗟子之筆。龍
騰虎拏。倚手應心。不模而佳。行行春蚓。字字秋蛇。非類非柳。迥然一家。不
書唐崖碑。不寫洛陽賦。奈何捲珠鉤。收鐵畫。握雙拳。而去耶。嗚呼。飛英子
何往。子雖往而神不沒。吾疑天上玉樓成。地下修文閣。不然。散陽真人銘
星宮。玉皇上帝。頒祈札。夫何德星。降此酷罰。青帝春風。竟十八嗚呼。疑爾
神。駐爾車。小試為我留。須臾。敢再拜。而三奠。告汝曰。自古之初。靡不有終。
董常以弱冠死。顏回以壯室殞。仲淹悲之深。曰。吾何遊。宣尼哭之慟。曰。天
喪予。子以董顏之賢。而壽且不及。我無賢聖之道。而哀誠有餘。嗚呼。飛英
子何辜。傷如我者。古未有。天如此子者。古亦無。此言不必文。此意不必德。
嗚呼。汝知之乎。填然鼓聲。登堂聚徒。踳踳濟濟。振衣趨隅。當此之時。子安

在情何如月淡管席風清綺疎銀缸掩映琅琅誦書當此之時子安在情
何如旬月休假期酒相娛笑語聚發滿堂歡呼當此之時子安在情何如
嗚呼飛英得無怨乎天陰雨濕欲一覩子之面可復得乎空階步月欲一
執子之手可復得乎琴劍縱橫手澤如故嗚呼飛英在去此而死乎子之
得疾一切廢置問則詩書惟慮學廢吾傷子之賢吾戚子之親造化之間
僅有再生之理則必為名卿鉅公而續厥志子之將行兮無他說但呼嚴
君告以枯竭余聞此語嗚嗚嗚嗚嗚嗚嗚嗚嗚嗚嗚嗚嗚嗚嗚嗚嗚嗚嗚嗚嗚
綠兮浪千頃春柳鵝黃兮怨萬結春風怨兮春花殘吾故人兮千秋永訣
痛割腸而欲斷酸通肝而欲裂心寒寸寸灰淚泣滴滴血九泉深處聞不
聞有恨終天兮飛美此別嗚呼哀哉尚享 汪彥常承命武節文 嗟予
與君同一甲子少而周旋今則三紀况連婚姻情莫君比中間倦游難見
無幾見斯忘形笑語終駭稍相離群書報盈几比聞君歸自適生理客未
舉錫客去掃榻問嬰微病旋即拜起云何計者忽到余耳嗚呼哀哉惟君
之文貫穿經史揮毫詞場觀者血指惟君之材實中煩使一官意行三仕
三已余年早來世味如水三靈之陽日拱松梓願還印章同爨履齒豁山
光然君則已矣嗚呼哀哉人生百年曾不旋趾幾人如君卒以樂死濁醪

未集大真卷高四十五

三

一樽寄酌千里屬辭寫哀并用當誄嗚呼哀哉尚享 祭太學同舍文
嗚呼其人命止斯耶以君之年如猗蘭杞菊方欲擢秀而遽摧其芽以君
之才如連城玳瑁方欲連珠而遽裂於瑕矧君之慈祥愷悌尚友之久而
中道奪去其誰不嗟嗚呼哀哉人生世間如沫聚水合散須臾寧有定體
蟲臂鼠肝均在鑪錘方生方死其樂等爾于迺其初何足道企但悲夫北
窻之間几席蕭然霜月明秋風激想夫音容尚存而人則已矣况於家山
阻深憂絕千里壽親在堂誰繼甘脆室有孺人今則誰恃旅魂孤戢何日
歸止興言及茲殯浹如洗嗚呼哀哉悠悠百年壽夭一終死必有所在子
則窮白馬素車敢替交情於元伯隻鷄斗酒聊陳哀醜於橋公嗚呼哀哉
尚享 王國錄祭鄒狀元文 惟靈處吠吠而志在廊廟以韋布而氣陵
公卿成均獻書天子色動金鑿綉筆雄豪騰驚筆問鉤鐔于宇宙高文烜
赫乎著庭蓋其學本仁義故無詭說行蹈中庸故無矯名方習俗之澆薄
賴公執古之禮行古之道以藥其既病方士風之萎靡賴公其操也持其
論也正以支其將傾舍香蘭省姑試其攝事刻竹名城將觀其治民如鵬
之飛勢摩九霄胡為而遽折其翼如車之載日適萬里胡為而遽毀其衡
雖公之精神同流天地固不恃形而立然公死之異遠近傳播孰不驚嗟

永樂大典

卷一四〇五五

而涕零某等久諧色笑俄隔幽冥菲真告哀蓋亦傷乎吾道之無人尚喜
 又 惟靈不遠之後由顏而得故視聽言動已常自克至大之養自軻
 而傳故貧賤富貴氣常浩然布水陳事而敢論時政之可論以詞坡對策
 而能言諫官之未言小人以懼而君子以恃士氣益增而吾道益尊何承
 明之厭直乃力求於補藩何逆者之在途而弔者之盈門豈非以直道處
 世者易以罹人之機竅故神運而解者亦所以全其天某忝同舍選叨在
 虛前屬予多病賴公着鞭以塞學校師儒之責以酬君親教育之恩駭聞
 凶訃如失鶴原含哀菲真少慰幽魂尚享許景衡橫塘集祭王經國文
 嗚呼經國世人所慕公不屑為世人所難公獨易之三十年間奔走州縣
 人皆公憐公獨不倦凡我長民以民為師夫豈他求惟天我知鄰寇猖狂
 聞者四走公令其民吾其汝守礪兵蒐卒以固吾圉賊鋒屢接民卒按堵
 豈惟吾邑旁障毗境億萬維生惟公為命天子嘉之能保我民召徵庸下
 而公計聞摺神齋咨論著初終恩錄其子天子勸忠士方平時祀能未見
 遇事而發功立名顯矧吾經國豈弟英果使其得年何施不可嗟我與公
 寔同臭味而公所造非我敢致寓形斯世孰短孰長雲飛川駛此獨不亡
 尊酒相歡今真一觥嗚呼經國烟若平生 祭王義夫文 嗟我涉世了

永樂大典卷一萬四千五百五

四

無一得天寔矜之界以三益有如義夫王國之美勁氣直辭期我有成百
 鍊之剛莫施一割挹彼秋潦灌于尋尺出處三紀將起復仆惟惠在民曰
 吾父母後生笑公進不自營我獨知之惟義之行使首一邑興悲父老胡
 不百年福祿是考嗟予昏塞誰發藥之天既昇之曷又奪之念昔為僚兩
 河之間傾蓋銜杯綽有餘歡大篇短章更唱迭和公語一出獨驚四座歲
 月幾何奄忽陳迹邈風北望涕淚淋臆位不佞德雖我亦疑公寔有子天
 豈吾欺 祭劉元脩文 嗚呼元脩玉璞金潭孝友孜孜交際溫溫事竟
 紛然錯節盤根至于元脩一掃劇煩維昔先公德高丘園不有其躬以燕
 後昆屹屹仲氏瑣闥掖垣簪笏相仍榮耀里門川游洋洋雲飛軒軒各適
 其適可以忘言念我李姊早奉蘋蘩元脩友之琴瑟蘭蓀二紀之間款如
 晨昏後先我何各逐九原一時族姻僅爾有存言念及旃涕淚河翻此理
 尚矣宜勿復論永懷平生真此一尊 祭蔡濟仲文 嗚呼朋友道喪道
 學不明我雖冥頑而得友生俸欺濟仲相與以誠誘掖切砥期于有成今
 子死矣依依吾行我愧子知子墓我銘爾父命我我敢不承朱絃疏越世
 人莫聽往以斯文告于冥冥我獨何為涕泗兩零寓辭千里備此一觥摩
 剛高峯集祭鄭無愁文 吾母之黨昆弟莫存惟公與母舅姑弟昆念昔

賢舍從公于處自少及壯分甘共苦我竊科第公仍困躓晚乃得祿詎償
 素志清節高義窮益可觀孳稚未飽孤貧悉歡持此懿行何福不介壽則
 幾矣所享安在前死三日猶寄我書詞無異謂病其蘇浮生無根條然
 已逝情親契厚寧不殫涕魂乎歸乎旅櫬經從嗚呼已矣豈復見公張橫
 浦先生集祭文我先文 嗚呼我先勤以律已儉以成家語人以信出言
 無詳鄉間之所宗仰君子謂之無瑕惟我與公心實相知我謫于南三惠
 以書慙慙問勞語畢嗟吁令我北歸意則無喜謂當與公一盃相屬優游
 卒歲林下笑飲此意未遂公則已亡計音來告老淚滿鬚聞公有子力學
 未已當大公門少遂公志薄散在俎清酒一卮公如有靈庶其享之 祭
 解帥文 惟公剛而能審武而好文老而不變切則有聞憶我平生初未
 識君謫居橫浦乃挹清芬樽酒相樂談辭如雲酒酣耳熱氣凌三軍倒屣
 傾困兩忘主賓巖瘴所都飲冷食新日捐月削病軀彌旬竟至不起嗟誰
 與親君居藍田死乃江濱首丘弗獲藁葬此辰肉馨而潔酒醇以清能復
 享此有淚濡中 祭鄭仲遠文 公有治民之才有華國之文有深遠之
 度有奇詭之策而議論則正人物軒昂謂必居諫官御史之負西掖北門
 之職而年未登五十官止於九品位不過縣令百未一施胃疾而死嗚呼

水樂大典卷萬四千五百五

五

哀我堂有老母室有寡孤流離顛沛以至於此嗚呼哀我念我與君義乃
 同年情如兄弟不見顏色僅過年餘平生之歡終天之訣嗚呼哀我病不
 及知歛不及哭腸豆之真遠致老懷公如有知庶或享之 祭虞深之文
 嗚呼深之公之為人篤於中外信於朋友寬以臨民禮以待士遇事不
 惑應變無窮識利害之所歸知終始之必爾如著龜之先見如軒鑑之清
 明挾此之材用此之德以平則當享上壽以官則當位大夫今官止於一
 簿平不滿六十一病不復竟成永訣嗚呼痛哉我之與公始於學校之舊
 終為姻婭之親情同弟昆義均休戚我夙嶺下交親邈然隻影自憐斷蓬
 無托凜乎佳公兩違問勞書詞懇惻藥物豐備今則已矣尚何言哉回思
 孀妹遠憐孤兒痛徹于心其誰我慰生芻之奠一寫哀號朱松韋齋集祭
 鄭龍巖文 我慙允溪少未聞道不安厥官跌宕物表維賢宰君不我欺
 疵美疾潛去砭之藥之砭稍有聞追悔何及見容則多賢我師德孔仙之
 別俯仰六年公官龍巖手書見存知我倦游日周羈縻督以赴銓携家來
 寓來官公卿日訪代期阻關十舍跂予望之重九之書繁然累紙既再涉
 旬與計俱至嗚呼哀我公與人交通介之間外同光塵涇渭了然達於民
 政心為衡石清畏人知不求赫赫勝日婆婆萬事一尊考評書詩有流有

源辰夫吉人宜壽宜貴宜其微病一計遂就位高疾艱基薄榮壙播惡遺
臭形渥而凶公齋令名全歸臚下位雖不充無復憾者樂樂諸孤所以喪
歸身有吏責往吊不時德義之隆遠懷永慨孰知于悲寄此一酌王十朋
梅溪集於孫子尚文嗟嗟子尚君亡夫千里風傳真乎偽乎謂果然
耶君氣如长虹貌如明珠才如錦繡語如瓊瑤體有四乳之奇目無再閱
之書意造物者不偶然而生之必將富貴其形軀豈青春之方壯不露一
命而云殂謂果不然耶鄉人西還計音不虛謂君初諧和鳳之鳴日更晦
朔之餘死於鵬告賈生之月而地於勾踐之故都嗚呼悲乎吾平生道義
之故人果為異鄉之新鬼乎自聞訃于十日晝痛哭而夜歎歎豈無友朋
知心已無白雪陽春歌誰和于流水高山彈誰聽于君歸不留孰為我徒
長記與君從容聯席於金賂之日涕泣分袂於白沙之初付悲歡聚散於
一夢閱十年如過隙之駒我執紼於蕭臺君萍飄於太湖渺天涯與海角
歎影隻而形孤前年仲春書傳鯉魚謂將從伯父於天台必命駕而尋吾
念君不負於一諾因嘗辨鷄黍而掃吾廬望車音杳杳勢吾懷兮不舒
豈千里之期不可審而行止有非人所能為者歎吾亦謂二人齒髮未衰
而後會必有豈知一別而死生殊途天乎痛哉天乎痛哉某罪逆殘生煤

永樂大典卷一萬四千五百五

六

經未除不獲效巨卿之執紼訪元伯之輶車明慶招提君嘗寓居意神魂
之或在真一束之生芻祭張呂先文秀自妙發德由少成唾手鄉薦
望英月評蕭灑宗之風流長卿壯游上庠益馳名選歷萬中賦高二京
覃思稽古下惟授經文學最長詩律允精暮景侵尋一第始登宜在館閣
盡揚王度天乎命乎卒于一丞嗚呼哀哉我守泉南君官福清惠然肯來
不寒前盟賓主俱病相視而驚醫藥是急酒杯莫傾猶有笑談以話交情
別未踰月兩家寄聲報贖方遣計音忽聆嗚呼哀哉四海之內孰非弟兄
君有同僚後事是營暑雖孔熾畏不可停我有官守往吊莫能走賻遺真
聲吞涕零祭萬先之文嗟嗟先之厚德美才命止於斯天乎痛哉必
大之門說說蘭玉子方妙齡已見頭角聲聲槐市蔚為上游登筮十年一
第始收遠官清湘師儒是職南方多士惟子是式紛紛單行彈冠帝鄉子
獨恬然不干廟堂得祿南昌需次家食胡為一疾竟至於革上相知已諸
公薦賢命在匪伊胡不少延慈親在堂壯婦在室兒女滿前百事未畢子
可無憾有傷在原後事可託如身之存散落人間光豈遺蹟集而傳之敢
任其責故鄉語別曾未踰年子死我病兩俱可憐凶計尚來孰不嘆息遺
真一觴老淚送滴代祭萬叔永文嗟嗟我公德尊一鄉宗族協和門

永樂大典

卷一四〇五五

開阜康六子楚庭一桂先芳豈唯一門鄉閭之光賀客在廬弔客倚墻哀
我古人命胡不長家君與公情好相忘婚姻世脩如謝與王一二年来游
宦遠方恨不親臨元伯之喪家書有命遣酹一觴 祭曹夢良文 嗚呼
我與夢良三紀論文義則弟兄堅如漆膠君方妙齡卓然自立才雋氣豪
人莫能及書生事業有短有長君如巧匠能圓能方李詩謝賦賈論晁策
聲蜚廣場筆掃劫敵少從明師學有淵源推以教人典刑具存散為篇章
戲成駢儷一言之出高視前輩隸業太學君居我先同登科名若相待然
作椽厥陵赫然有譽需次閩洋行將美赴我嘗以君名聞廟朝拭目以觀
聳壑昂霄胡為一疾遽然不起命壓人頭乃止於此嗚呼前年之冬我赴
泉南以書見招至于再三訪君許奉禮盛觴豆送我坡南珠玉滿袖滿擬
歸來重登慶門孰知計音中途遠隔孺人孀居婚嫁未畢族大義高必能
周卹狀君文行撫君孤遺我或未死其何敢辭追念交遊零落可痛我老
君死云胡不慟 祭吳守文 嗚呼乙未之前未墮胞胎君奚為耶壬寅
之後謝去根識又安歸耶六十八年切界塵勞迄如斯耶仕至一麾奉極
千金竟何裨耶君子是親小人是疎亦賢非耶所恨未逢大善知識挑發
機耶過此已往未之或知益耘籽耶轉腦回頭霜落果熟香芳菲耶昔我

永樂大典卷一萬四千五十五

七

語君圓覺楞嚴歸程皆耶君函烈觀頗亦鷄省覺有茲耶目光蕭蕭氣息
奄奄運提撕耶惜不在旁擬起精神贈半餅耶豈君無朋獨我知君天臨
之耶確實之論坦夷之度書所貽耶君深感激記此兩言著此心耶我在
武林君在江陵蓋斯時耶兩言雖微萬善緣與母相啞耶如君為人匪惟
此土舉世希耶恨無知音洞見幽境為發揮耶安用發揮他有一轉寄所
思耶度君未辨後出苦輪自在飛耶十類珠品三類最崇其中極耶大者
弗悖明者弗惑達弗疑耶擇一而處與之相離亦豈早耶身異性存孤山
洪川抑有期耶思淡微聲君其知耶其不知耶胡五峯集祭范元作文
嗚呼身之窮達在於命耶抑在智耶命之濟否由於天耶抑由人耶身親
于公竟如何耶少處患難芝蘭萌芽長富文文沒有聲華承考之志克已
無邪在丞愛之任于朝家起佐二州時多危蛇從容談笑解其紛擘仍使
六路馳驅調驛上裕國計下捐民嗟噴有煩言載鬼一車婆娑歌地種柳
栽花有臺有觀無競無諱毋恚毋惡莫惜莫嗟子子孫孫綿綿如瓜昔之
用也鴉薦有嘉後之弁也玉本無瑕遠在命只濟由材加優我游我人生
有涯寢於巨室天高土遐一騶致奠魂其歆我辭剛中北山集祭潘朝議
文 公之享年已尊于吾里而又耳目聰明心志寬裕對人無衰老急迫

永樂大典

卷一四〇五五

之容故人之有親者無不指公以為願公之有子也賢于天下而又醍醐
酥酪以次皆佳雅容紳笏者半一門矣故人之教子者無不視公以為法
嗚呼美哉某伏念其時雖與舍人兄弟輩有場屋舊自願身方窮賤勢不
可求親然公每見必開懷笑語示以雅故不相忘之意不謂今已使我
望如古人矣嗚呼悲哉抑邦賢丈人云亡而狗彘寸祿遠在海濱哭不望
惟葬不臨允違一介之吏持觴且以為區區雖臨風愴然有涕如鯁負負
多矣嗚呼愧哉尚享 又代人作 惟公蚤年脩身慎行稱於州里不以
家貧為累而以教子為心及其後也安榮壽考坐收教子之功家貧如故
而休顯之名享之甚寵嗚呼可謂賢也已矣高掩九原計無遺恨一觴之
奠即薦區區非為悲也尚享 祭樓道奉文 嘗謂人之享年也皆惡夭
然亦宜能必永公數踰八十鄉黨稱仁一亡恨人之仕宦也皆惡窮然亦
宜能必達公官至三品始終無玷二亡恨人之有子也皆惡不肖然亦宜
能必賢公子為二府中外是賴三亡恨人生得三亡恨而死其於身名之
美州里之光亦休矣雖然公之子以奉親為願而不以富貴利達為榮公
之心以山林為趣而不以珪組冠裳為樂故去平震子馬歸切至上止令
奉金帶將德意于厥程之告俾迎公以來而公終弗肯至也今年癸亥犯

永樂大典卷一萬四千五百五

八

昂五星出東方正丙大夫朱簿裝丞相請行之日公遽為朝廷致恨臣於
苦淡中諒薄遺易養之恨而嘗藥不遠之痛頗聞過禮嗚呼變龍之室自
難久虛宅日建立功名成就既後之畫以中與名臣流涕而拜於廟下則
公之微恨可以盡釋而孝子茹荼之感弭焉苟祿鯁生係拘省戶一觴之
奠寓悲無垠拜道斯文有涕零落尚享葛立方歸憑集恭莫秀文 嗚呼
枯墓三百叩當傾三峽之辨金釵十二不做醉錦瑟之窟濯月溪之清泚
恐西塵之汚人勇樹冠於神武及強仕之青春惜歲華之電掣凜風雨而
難展數雖登於大臺官僅綴於朝紳忽脫骨而仙去賢竟厄於己辰嗚呼
哀哉惟操情之內美攬蘭蓀以自初見古人於黃卷擁佔畢而微呻忽乘
置於糟粕思獨味於玄津歸資深而達原遂奔逸而絕塵尚後幸於氣習
猶吐故而納新鍊華池以嗽液滿丹田以存真戲五禽於社席養不死之
谷神謂當出綠髓而三洗早壽量於莊椿豈期遽窘一杯之土而夜蒼石
之麒麟也嗚呼哀哉惟我公之先世通曾門之外姻公棟宇於雲水我田
園於江濱情雖為於中外地若隔於胡秦欲見公而不可結肝膽以翰墨
泊歲達於作噩動妖祲於蒼昊紛地豕之踐蹂嗚呼清蹕以東巡乃勢擊而
避也因卜葬以依仁望門墻之咫尺航一葦於奔濤破雲程而放溜舞清

風於白蘋每登門而侍坐辱誨藥之諄諄別音微之我何驚賦景於義輪
 忽計音之在耳恰心誓以酸辛歎總惟而一慟落老淚以霜中雖伯道之
 無兒知德音之不沃有令孫之踊躍與九死之為隣始墨面而重跣走羣
 山之嶙峋訪眠牛之吉兆得佳城於荆榛意公後之必大蔚曾玄之說說
 公何憾於即世其永安於窀穸會重輜之啓行藹愁霧於松筠病莫諧於
 執紼恐哀情之莫伸致看蒸而蘭藉斟桂酒之清醇聊作文以備奠效楚
 語於靈均葛勝仲丹楊集祭劉頌政文 嗚呼昔長此邦公未逆我道義
 周旋三改槐火惟政與文獲見許可時平訟清舒肅而坐五子携觴四水
 泛舸去職七年家國俱禍及再臨郡我往拜公公病卧聞華堂穿索語及
 時事淡淨交臂衆製見抵文猶不寤盜起事擊聞於游從十日不見遽罹
 鞠凶嗚呼來哉惟公妙平詞藻芙蓉文場倫魁煙賞俊傑書板鍾張才儷
 管葛謂當青真闊步高躡晚塗政定意殊不屑荐更州麾連持使節布政
 合宮著書省闕在公為窮在人為達晚祚一子天其乘除有孫繩繩且大
 公聞惟我困阻日困初書食不遺暇阻送轉車遠致奠醑泣血連如何以
 俯尊如玉生芻尚專林李仲竹軒雜著祭林尚友文 嗚呼我居安固君
 在橫楊良觀伊阻隔水相望茲有北湖竹淨泉香君一見之愛而弗忘迺

水樂大典卷萬四千五百五

九

經通營于垣于楮林密途還棟宇高涼時其從之度約越四期以卒歲杖
 屨徜徉事不可知命不于常轉巧之間君遽云亡嗚呼哀哉公自妙齡落
 筆成章我等驚歎痛首觀旁試吏于閩政聲載揚民歌舞之見所未嘗刻
 牘交上召自遠方權輿寺簿日未遠失譬如林驥馳彼康莊問塗方騁駿
 于微霜嗚呼哀哉我思天道自古茫茫欲詰其然非癡則狂執愚而鄙孰
 智而臧百年之後相逐北邙况我斯邑不弔彼蒼大浸稽天禍及九鄉殘
 骸露齒姓火弗詳烏喙其腦魚噴其腸慄死膽下斂以冠裳不曰幸歎美
 用盡傷嗚呼尚友舉我一觴尚饗 祭沈元量文 頃吾二人同與計偕
 風掃雨蓬于江于淮度彼辟水寒燈冷齋共論身世浩歎傷像于忝科名
 君困場屋隔闕興思亂我心曲茲為寓居門巷相屬匪唯求舊實鄰是卜
 念初至止庭穢弗治分我佳菊植彼短籬相期九日賞此霜姿花竟悴矣
 人後何之水木相生命自不夭松鶴其形相亦難老疾之方殆載咨載考
 乃大不然巨測亨昊嗟我友朋半在鬼籍老眼欲枯無淚可滴今又哭君
 斯夕何夕陳辭俯觴聊叙平昔嗚呼哀哉尚饗呂東萊集祭邢邦用文
 嗚呼子之於學篤矣質性淳固可謂有學之資兄弟雍和可謂有學之地
 塔于德門左右觀法則既知學之實游於四方師友講論則益知學之方

小試曹掾素懷得仲若使其信學之堅還歸柳間儒風方起若多其共學
之助天下相予者何其多邪昔荀狎至哭其二季未已而身從之奪之者
又何其驟也大時不齊消息盈虛之理子其聞之矣全而歸之於子何憊
一觴之勸蓋故舊之義惻感之情所不能已也日者邪桀之喪其真辭蓋
日將見仲氏而致此哀烏庸詎知未及見子而復哀子耶嗚呼哀哉祭
張荊州文。昔者某以郡文學事公於嚴陵替同氣合莫逆無間自是以
來一紀之間而講書諸區區一得之慮有時自以為過公矣及聞公論網
邈然始知其不可及此某所以願終身事公而不去者也某天資澁訥交
際酬酢心所欲言口或不能發明獨與公合堂同席之際傾側肺腑無所
留藏意所未安辭氣動切反類世之強直者亦不自知其所以然夫豈士
為知己盡自應爾歟我行天下愛而忘其愚亦有不減者矣內反諸心豈
敢負之乃獨勇於此而怯於彼抑有由也蓋公孳孳求益敦篤整惻有以
發其真頑勇於改過奮厲明決有以起其緩縱而不立已不黨同習懷坦
然無復隔閡雖平生遇縮固滯之態亦不神而自除也使我常得從公豈
無方寸之進使公以愛我之心充而擴之則致於以虛受人之地公天下

之身受天下之善則為社稷生民之福孰可限量邪嗚呼公今其死矣我
無所復望矣雖然有一于此公在三之義上通于天養其志承其業油油
翼翼左右彌縫不以存沒為二者公之事親也念大恩之莫報答誠意之
未孚雖身在外心靡不在王室鞠躬盡瘁唯力是視不以遠近為問者公
之事君也義理之大一識所歸永矢靡他至於參觀備考公而且博未嘗
如世俗學一先生之言曖曖昧昧不獲廣求其進學之力不以在亡為勤
惰者公之事師也公之此心蓋未嘗死我雖病廢猶有尊足者存亦安知
不能追申徒而謝子產耶既衰豈復能文直寫胸中之誠以告公而已尚
享祭孟行古文嗚呼誰獨無知乎誰獨無死乎誰獨無哭乎今此哭
君淚翻九河寸腸千絕莫究哀情之深悲夫愚生之處友也三十載而無
所得夫子一見其文嘆有目之無識自是而達樂人之善者首以為稱謂
若此者當求之古人嗚呼既感切矣每聞之未食則輟飯進奉迎頤如有
所獲據坐劇談為之終日愚慮君體弱而勞君故示愚以不倦之色一番
辭去慘若有失念其貧而母老嗟安分之可恤然而所期我者有大於首
甘所舉我者將有以稱實天乎人乎君其奄忽昔田橫以豪俠得士而其
客猶樂與之死况天子之門皆游夏之徒以愚準之其情曷已嗚呼尚享

祭吳上舍文 質先一介首嬰從公苟於見聞梓養合重賴公指誨發
勝擊羨獲窺夫子塋仍其崇二十年間士類翕從四海賢俊想聞其風相
語以正志合道同未幾羣賢相踵逝川又奪我公遂空英壙此不佞人蓋
歸之天某聞訃通執公表未能即弔徒切涕傷公之問學道德文章以至
終始哀榮之際則入方病不能致思告一真侑以無辭尚享呂祖倫大愚
史集祭戚溫仲文為來作嗚呼屢澤之會學者如林規圓矩方所資者深
歲改月化三歎遺音士各有志孰得而壹長善林夫教亦多術惟是之從
何拘何執質之厚者其學將益固質之敏者其志將益裕進而仕者不越
其思退而履者各安其素履道坦坦無所回互不為異說不為虛論循循
有序始若遲鈍尊其所聞安於無悶風雨漂搖雪霜相隨心之憂矣莫知
所之庶幾同志旋相扶持惟兄之姿甚秀而文來游吾門以張吾軍筆端
晝臺泮水行雲既登科級既涉宦途三年于斯我為卒瘁歸見朋友其心
益虛問訊松菊振拂詩書欲就新儒辭氣安徐亦復奚求其樂只且理歸
於一論定於衆兄之居休屬屬洞洞方欲從兄相與折衷誦聲在堂暮聲
在戶一尊譚笑何所疾苦曾未幾日遽成千古聚散之理死生之故師友
散亡倏若旦暮死又舍去曾不少駐嗟嗟難兄在湖之北妻弱子穉繫然

水樂大典卷一萬四千五百五

孰獨死者已矣如何勿哭素服致哀皆見舊游腸真雖微此意則周慨念
嗚者蓋相為謀嗚呼來我 祭宗明之文 嗚呼子之始來兮秋之深子
之復來兮暮之春退然若不能言兮其貌恂恂進而與之晤語兮其聽諄
諄任之以事兮既能公其心而不視之為越秦他日推之以官兮必能深
戒於因循方幸得子兮庶幾歲晏之相親曾一月之不見兮何病勢之已
臻甚欲見子於卧內兮又恐動子之頻呻子之不淑兮命則也我失此士
兮意酸辛念子之親兮官於海之濱想子之心兮抱此恨於蒼昊顧子之
同遊兮昔言笑以相與今則孰不感動而傷神大化縱浪兮浩無津死生
離合兮性之真子之學兮將有志於輔仁子之文兮又若春木之彬彬江
上之舟兮已藏於堅夢中之蝶兮其迹已陳悼歲月之如駛感事變之相
周子園已等是非得喪於微塵則凡我同盟其可不強學力行而勿差於
賤貧鷄黍之奠莫備庶珍跪奠陳詞環以友人子如有知此意不理嗚呼
哀我黃次岑三餘集祭梁銘文 炎運有赫九陽之厄帝登我公振其顛
踏宣和初歲王城赤水載筆直前開陳陰沄流離艱棘不往愈勵歸班奉
常嬖書倏至定策中禁替佐天子震動朝廷旁觀病悖大明生東人有適
從效死不去控其姦穴二帝重歡兩河亦還羣情中媚墮我太原公身南

永樂大典

卷一四〇五五

遷國亦大去帝出商丘春予作轉請都南陽稍晚朔方有志不就舍之則
 藏乘桴而浮賜環而返生觀尺顏臣死不憾長沙豫章虎旗牙璋從容辭
 受萬夫之望國步未夷敵情難測期公百年安宋社稷如何是天曾不慈
 遺股肱或虧邦國珍瘁公無間然我有餘痛匪哭其私為天下慟未晦庵
 集恭節自明文 故友台州史君大著節見自明之靈曰比年以來去氣
 衰弱觀時俯仰狗勢前卻其心有一身而無天下其口有唯唯而無諂諂
 偉哉自明之為人信所謂喧呶百鳥之羣忽見秋天之一鴉者也蓋自其
 布水而已有憂天下之心其捐謀人主之前則直欲排佞倖之朋而折其
 角其言明白切至磊磊落落憤激峻厲嶮嶮嶮嶮嶮嶮嶮嶮嶮嶮嶮嶮嶮嶮
 羣公所為變容而駭愕善類所為喜幸而心開邪黨所為戚嗟而氣索偉
 哉自明之為人凜乎其有古爭臣之風求之近世則措之鄴陳之間而無
 作者已夫何天命之不延奇禍一朝而遽作使前日之悲者喜而喜者悲
 紛慶吊之交錯嗚呼哀哉君昔過我寒泉之濱一語定交情義日親遠上
 鏡之草次語宵分而更僕謂當擇善以潛心毋以一長而自足毋令茲之
 秋蓋又札書以申之春予心之惻歎實千載以為期書適往而計未數然
 號其為及我珍瘁之悲詩空百憂之未集惟平生之忠赤諒雖死而不亡

永樂大典卷一萬四千五百五

聽陳情於一醉詞與淚而俱揚嗚呼哀哉尚饗 祭劉子禮文 從來具
 位朱素謹以清酌時羞奠于近故劉君子禮六十七兄之靈曰自我少日
 託眷高門得從兄遊於今五十年矣每竊見兄志氣堅強色莊言厲論議
 英發衮衮不窮而臨事應請從容財處不動聲氣日無金牛未嘗不欺其
 英邁閑達老大多材真有聘君先生之道風意其必當出應時須以世前
 烈宜謂中歲事多不諧一日慨然謝去場屋少肆餘力誅草淮鄉數年之
 間亦有成緒而兄好義周急不問戚疏肥馬輕裘視猶涕唾遂散其積餼
 然南歸想止玉山愛其山川之秀風俗之美遊從之感則遂求田問舍而
 定居焉曾未幾時遽以病仆易箒之旦神宇泰然徧告親朋千萬永訣不
 鄙謂我幅紙丁寧筆勢低昂士異平日赴車未止我病亦衰把書長號不
 能自已嗚呼痛哉以兄之才終以不遇而止於此豈非天乎昏憊支離未
 能亟往拊棺大恸以登一哀又聞佳城亦既得卜祖奠之日近不踰旬走
 便緘詞遠寄一醉忽焉精爽如在目前嗚呼哀哉伏惟尚饗 祭劉平父
 文 憶我少日來託君家君時未亂蘭茁其芽誦書琅然見者驚嗟逮其
 冠歲甫就一官兩除僕府再值省負世路威夷駐僕自眩婆娑林丘始適
 于願疏泉成沼種樹著行館宇連延澗壑蒼蒼穰春素秋風朝月夕把酒

我詩情高意適流光荏苒素髮星鮮人為君屈君獨超然恨山不高惜水不廣勝日籃輿翩然獨往行樂餘功燕及里閭枵腹夏飽甕兒夜叭校考書勞豈漸肉食胡不百年享此休逸一病遽革百藥莫瘳神理杳冥孰訊厥由親友駁弁行道灑涕矧我於君情寔昆弟蓋自卜居餘四十年豈無他人合散風煙惟我與君俱不諧偶踰伏窮山別希會火中念恩契申以昏姻速茲晚歲情義益親方從君遊遽聞君疾代君發棠君語諄悉何意一朝隻影踳跚扶病哭君我不自還一奠寢門醪單饌薄唯此意誠庶通冥漠嗚呼哀我業水心集祭劉酌父文 嗚呼羽翮勁矣而不飛股脛良矣而不馳既於熊漁養瘦鹽肥厥田一夫燒塔半之稅役有由今怒不釋邑庭百弓莽為空基命為木客隨彼匠師出沒濤濕吐吞渴飢竟以此死莫知我悲曰古荆溪美嶺合垂水錯如畫我我我喜曷不自放誰所繫維尚有鬼神攜以同歸張南軒集祭吳晦叔文 嗚呼惟君早登五峯之門即猶進取之習從事義理今幾二十年思慮益親操履益固而其晚志人情通練世義持之以忠信行之以周密蓋有用之實才而進學之良資也豈謂一旦止於斯邪某與君論心為日亦久切磋講究友誼金石卦音未傳泣下莫止嗟乎任道之艱而同志益落此予之所悲而志益落此予

永樂大典卷二萬四千五百五

之所悲之且憂也官守所拘未能往哭一奠遣致言不僕文嗚呼來我尚享林文軒集祭林萍齋商卿文 某年月日同郡林某以盤饗危酒致致於于教授萍齋商卿九兄之靈嗚呼死而易箒謂得其正吾子之死可以言命學而干祿一世滔滔子於場屋乃如鴻毛自切而壯今又老矣鶴書屢下堅卧不起蒙傑維子異喙同辭若為天矯所待何時不聞古者以是為高六合一籠又將何逃解去褐衣未及三月所謂大倫無或玷缺我居柴桑子來彭澤子一及門我有重客無妾之災行道悲傷子於崔琳異時相望聞元故事如將目睹或下筆札茲為悉數相逢感嗟無言可傳旦暮之遇是豈徒然生舅一來其人如玉亦有危酒云何勿哭尚享 代祭鄭公堂文 子欲一來為是同堂合席數日之間乃有大慘不然者相去旬時便為隔世一哭未終忽成嗟涕惟是難兄亦有難弟子之文筆惜惜而起近來場屋有此姓字不意瑤厄一夕墜地乃翁遠游何但千里子為不待其或倒置空山讀書荒榛八九何以哭君寂寥危酒 祭鄭公是文三年冬十一月乙亥具位林某以危酒一食致酌于故秀吳鄭火路東生之靈於呼吾欲哭爾出門入門若有許吾足者屏子行以哭他日數紙諸老來手路東謂爾吾家湘鄉來朝日出阿翁白頭隨其子而哭我不得一

哭爾肝脾如墮。雖然屏之面猶吾面也。尚享胡寅斐然集。恭顏翼文。嗟
嗟顏生。身陷其身耶。抑恃妙齡。忽衛生之經耶。展出夜歸。胃犯瘴氣。耶酒
焦水浴。寒侵而熱蒸。耶味彼藥石。孰指益於吾身耶。廷子外館。教我二孫
不縱不苛。訓飭甚勤。見子所業。干祿之文。為蛇頭之細字。擬詞場之千軍
維時。追隨人事。趨走頻煩。未克自責。方將遲以歲月。感以誠意。勸使為己
而學。凡致遠在識器。天吳歎以賦汝。勿遂末而暴弃。何曄然之春華。遂墮
霜而萎痺。既歛墳爾。酌以薄祭。拯魂悠悠。豈能一至陳亮。龍川集。祭宗式
之文。嗚呼。式之少失怙恃。同室乘梗。縱或不順。困子亦猛。萬事无解。不
待肉冷。天人相遭。有幸不幸。五行之運。厚薄偏正。參差不齊。孰得其稱。其
初則曰。感必有應。未亦有言。以待天定。嗚呼。式之與子有連。所遭亦等。子
獨於中。降年不永。身在有餘。誰為子請。我獨僅存。未失綱領。小小顛倒。天
有正令。兒切婦弱。莫適與競。張官置吏。禮樂刑政。寧使孤寡。徒歸之命。嗚
呼。式之。獨子子路。幽明異境。力所不及。分應退聽。天果定乎。姑以自靖。人
果衆乎。天豈易勝。我既囚繫。理亦炳炳。為子小次。以觀究竟。方未定時。胡
可比並。念子無窮。雙淚交迸。恭孫冲季文。嗚呼。天之生子。殆若有意。
變化倚伏。惟人自致。是以君子勉所未至。兢兢業業。天人之際。理之難知。

乘其所恃。念子之初。亦或可避。彼其與之。以識而偏於才。備其能而奮於
德。文足以自見。而勞於成名。志足以自立。而困於無命。子憂其才之不足。
余獨以德為可貴。子方以名為可求。余獨以命為可畏。今余不幸而言中。
使子嗔恨而入地。重慈親之憂。有幼子之累。父必以咎而自歸。安在其子
之有罪。然皇帝王伯之道。聖賢士君子之學。平時樂與子共之者。萬事无
解。而余尤不自知其多涕也。嗟來者之未涯。傷嗚昔之有愧。苟子之姓名
與我隱顯於百世之下。則或為孔來之慰。又嗚呼。十人之聚。則有短
長。命已不齊。固理之常。積而至百。胡可較量。念昔相從。意氣方張。禍福之
未。孰避孰當。而謂如子。適是不祥。不祥何尤。當之可傷。相與列子。列以互
觴。汝飲滿酒。如在吾旁。所欲學者。帝伯皇王。追念此志。有淡盈。昨爾友成。
在爾。竟茫茫。爾不能飲。飲爾以漿。各以意接。言不能詳。失聲而號。痛裂肺
腸。何以慰子。汝身不忘。道過爾。基悵望斯岡。千載吾銘。歸安其藏。恭王
永康文。嗚呼。是非善惡。寧有定論。苟誠於中。蓋棺何恨。昔公少年。以才
自奮。晚試一邑。更以謾因。飲不先期。見謂遲鈍。此事無容。心謂政闕。問御吏
求。濕。譏以自任。委心僚佐。不日能避。觸手成礙。豈必有譽。公於其間。不折
以慍。我從公游。直道而進。公或不堪。我辭愈峻。卒明余心。兩匪相順。公行

及瓜所仗忠信人言不公我又不能順天亦為靈死生一瞬囊無留金亦止
故經誇者聳然耳拙足頓我亦何顏視此歸觀瀝酒一慟天不可問 祭
郭德揚文 嗚呼昔君尚及父兄在時協贊上下為家之肥比于弟姪誦
書及詩君又於中唱使必隨俯仰先後力用不遺閱世之久實觀盛衰晚
值先疾賴君羽儀家道愈昌匪初新規君家甥館來龍是宜子亦自奮輝
映秀支君方婆娑不與世違六十非大而止於斯念昔於君年角近之見
輒情話寧此心期我因因繁莫哭總惟墓草若何耐此蕪辭 祭宗成老
文 亮年十八九時諸公不以為不肖雖大父行父行往往辱與之游其
後又與年輩相若者相與上下其論晚乃與一時後生相從講畫雖才俊
比肩可喜可愕至於動心怵目無所不有然其厚德偉度尤為傑然而既親且舊其
以故尤思與父行游不厭公於其間厚德偉度尤為傑然而既親且舊其
慕用不一端而足也乃亦竟死耶八十之親子又方冠一弟何為萬事水
泮盛衰相尋百年之嘆人物藐然寓衷一奠 祭林聖材文 惟靈讀書
將以為善而不志于舉選應舉將以行義而不志于得祿孝悌稱於宗族
卿黨慈愛隆於父子弟昆非有泰然之足足以自見於世而有粹然之善
足以無愧於心胡不百年終此大數失一善士空其一仰有幾子孫佑之

永樂大典卷萬四十五

十五

我世維天報之可必。而老波之易零一奠因循多病良大靈其勿吐意則
昭然。李石方舟集祭王錫祉制幹文 錫祉之禍天假手河伯以逞此毒
耶何至上累厥親下不遺育也。一母三子併往獨內子幸脫。天欲俾之尚
有親於世絕而復續耶不然傳家著書有文我東。祭誰主而葬誰卜也。嗚
呼哀哉耿耿負義謂可蹈海至所狎玩於三十仞者獨不能以一筆託宿
手。舉頭峽山有異楚蜀交游未已。錯愕痛恨寓真以去有未可盡其哭者
嗚呼哀哉陳止齋集祭張孟阜文 我識諸張餘三十年仰止端明恨不
執鞭。祭閻勇為而挺出忠肅肥遯而孤齋雅夫寬夫接于英躔亦有姻婭
聲華滿前。我來雙清詩書之淵孟阜妙齡玉潔蘭茁前規後模足不及履
既而諸老淪亡松凋蔓延於赫家聲寢以弗綿孟阜永嘆逝將誰愆吾學
未就于何食眠習為文詞短章鉅篇駸不可羈閻略注箋及試場屋句磨
字研務入絕尺以取眾憐。屢費弗就愈強益堅妻啼兒號語方諱錢必以
青衫侍親九泉。晚喜世科至於潛然。而其料事察於著龜憂時過於貂蟬
每一發憤于酒是使竟成沉疴殆若自捐嗚呼孟阜工於成家而拙於謀
身。有恨於貽後而無忝於奉先。求之昔人亦足謂賢我妻厥姊見推師傳
忠何疵之弗告愛何善之弗宣病革之書筆墨倒顛屬子以婚抑何慘慘

永樂大典

卷一四〇五五

會余東歸哭此殯廷莫塞爾悲為之失言謂余不信有如大川 祭張簡
 之文 余請祭簡公文人之誄蓋聞兄之能服勞處約有孝友之道夙矣
 晚見其行事自叔父一研一席盡書收簡泐禘度歲且且不解施及米鹽
 講若疇昔余既謂是誄也信而於是重有感也蓋余為婿恨不及祭簡公
 無恙然猶及先拊諸弟奉仲母以團居也僕仰之間事變不齊西來其履
 几筵相望弟寡子經室自為孤嗚呼此子所以重有感也余屏歸妹最知
 最厚於兄卒葬屬在疾苦飲不德棺窆不附穴所以述其平生而銘諸幽
 者亦不得掛名焉迺今猶年克具勝豆叙德寫哀因以自錫魂猶可招其
 在新文 祭沈次卿文 吾每過吾邑必款二沈之門以資舊聞訪道跡
 也元誠云亡官無取浴之助士無切磋之益幸公無恙尚有典則言可記
 注行可蹤迹而止中壽誰不沾臆嗚呼十八丈之賢蓋庶幾徐孺子元魯
 山焉而世無孝廉之科竟淪謝于幽仄相彼後進車馬赫奕常布三葉令
 人太息始余過邑多見往昔游有親潮說有古相追隨諸公好我顏色自
 公獨存我亦皓白恨不鄰巷相與朝夕日治草具居為上客我懷則多豈
 以飲食曾謂背而在亡之隔文以哭之未叙潛德匪無強宗為刻券石
 祭張忠甫文 吁嗟忠久誰無死生短長幾何胡足重輕崇牙大森百年

永樂大典卷一四〇五五

十六

之榮孰與身後誦其字名君行之脩君學既成方其獨行群聽以驚有諱
 笑讖不悔不傾卒底于信家人父兄既信而從邦人友朋有官問政有故
 問銘緩急之請是非之評隱然衡門重於公卿自昔蓋棺萬事愈明無祿
 何來不朽有德我愧則多事違其情君臨人喪治其衾衣或設之祭稽經
 考儀制絕肺肝做像俎彝其為銘文刻切惟奇葬視其穿風雨必時今我
 喪君哭不及尸曾莫得詳何以飲之祭以今羞雖酒瘠滿銘又弗能撰德
 慰悲葬也屬疾護棺以兒遭時之偷交道日衰我不能博又以自規唯是
 子凡昔在寢聞受君託言永矢弗隳吁嗟忠父其尚肯來 祭張國紀文
 嗟呼國紀吾欲誦子之美兮累百紙而莫殫吾欲哀爾之天兮淚懸河
 而可乾招子之魂兮冥冥其安遊托子之孳兮交貧而力不逮蓋自故老
 之傳書籍具在疾驅者途短軸不折者厚載高明兮鬼瞰其屋愁苦兮弗
 齒與害受膺兮鼎食銳頭兒兮無蓋仁三族兮報之豐自營焉不延厥世
 以余講聞兮籍甚於目睹兮每皆至國紀而一不酬兮余誰問兮茫昧豈
 天若人我不謀或邂逅兮聖賢以為定計匹夫兮細故將善十勇兮九悔
 徒長言兮何尤聊一觴兮以醉 祭孫忱卿文 嗚呼忱卿而死於逆旅
 歟謂其藉祿以為養歟則田園室廬於吾鄉可以甲乙數也為好勝倦游

而至是歟則時者端居簡出雖鄙不親也抑為以資以世以場屋得官而
 勢使然歟則舉不出此也夫士散而之四方略不遇是數者而上焉者則
 名在世欲退藏而無跡也忱仰可以免此而卒以逆旅歟嗚呼是不謂之
 命耶雖然有鄉黨為之辨護有姊妹為之受吊者先事之三日壯子適至
 而即相聞之歸其鎮之遺俸為錢三十萬而凡事無欲以忱仰之得此又
 可以見天之報善人矣薄真告哀文以慰之 祭鄭自明文 嗚呼哀哉
 自明余與君游久知君之重其死也自為諸生固曰士以一死何鄉不可
 及其居朝。仇直自喜每一進見以所聞於賓客所獲某小人某小人之說
 察察為上言之無諱。人數以為甚危而君益奮然。雖萬死無恨然而聞其
 私。蓋衛生甚謹也嘗訪君愛亭之上嘗暑命酒余食瓜果而君禁之勿多
 食。他日過余。美茵以饋君曰。嗚呼。昔聞有以如此死者。至今不迫也。嗚呼。飲
 水。靡不憐問。恐以疾傷其母。嗚呼。君誠重其死。而將有以處此矣。迺令死
 奇禍。何哉。余既甚悲。而莫推其故。且懼知君之不詳者。亦為感也。天嘗其
 年。人害其名。嗚呼。哀哉。焉為自明。余故為斯文。以哭君也。陳唯室先生集
 祭林從事文 嗚呼。世之窮奇。有孰如公。不但五鬼。接武連蹤。直疑百輩
 逞毒窮凶。使公終老。跋疐其躬。公在岳壑。先鄉。漫世。懲逐諸凡。多艱。鮮易

永樂大典卷之萬四千五百五

十七

詞林筆耕。文場杖藝。謂且不成。前脩可繼。竟就世實。事與願違。執理執憲。
 再官海澗。性疏召禍。刺天羣飛。峻時火點。白首來歸。館娃之西。天平之北。
 坡陀其丘。陰森古木。跌冠裂裳。魚潛雉伏。物理乘除。宜膺戕殺。何圖造物。
 付與非量。墨突不黔。飯就屢空。茹蔬菽水。環堵之官。笑傲游嬉。如享萬鍾。
 或憐其貧。攝職近縣。庶幾一飽。以慰眾願。書來告別。情詞眷眷。期我之來。
 秋興。就見遺訊。再往一字不酬。孰知卦來中傷。如抽吾母。吾兄。今獨公留。
 公又往矣。老人之憂。推公之學。老且不倦。靡暑靡涼。掃屋萬卷。半皆手寫。
 肄古籀篆。今竟何施。善惡安辨。歲在庚子。先君傾俎。惻惻娶婦。景繁遺孤。
 公行千里。撫棺號呼。恩蒙之深。古人與俱。今聞公訃。我獨病暈。欲往不能。
 淚流心折。我齒方壯。尚餘歲月。圖報之心。安俟長舌。陸子壽集。祭張謙仲
 文 嗚呼。謙仲而止。於是耶。自余行於天下。蓋聞人之既多。扶流俗以不
 污。如謙仲其幾何。不鄙余之閭。迂命三子。而從游。非有見乎其心。焉為篤
 信而不與眾伴。過君門者。半載何禮意之勤。勤君訪余於暨陽。慘將別而
 傷神。余還侍而再東。忽聞訃於道。傍駭善人之遽。長為出涕。而永傷屬方
 試於行都。闕致笑乎哀悼。弔諸孤。以尺紙問。襄事之何時。及十月之將定。
 余已還於故鄉。痛相望於千里。徒屬意於銘章。庶潛德之有耀。警流俗之

迷狂勉今子之繼志慰君靈於渺茫念鬼神之如在知余心之弗忘阻臨穴以永訣聊寄哀於一觴

永樂大典卷之一萬四千五十五

永樂大典卷一萬四千五十五

十八